

清光緒朝中日交涉史料

卷八三之卷八四

光緒卅一年東事收電檔

清光緒朝中日交涉史料卷八三 東事收電檔

（六九一九）收盛京將軍奉天府尹致外務部電

前准北洋銑電准貴部急電日使照稱中國官兵多數爲俄照稱中國官兵多數爲其事囑飭確查速復等因查此案先據新民廳增韞電稟並先據新先據新民廳增韞電稟武縣告急已於初十調往勦賊三岔河距該處較遠斷非該岔河距該處較遠斷非電前因當復飭增守確切詳查茲據該守漾電此項俄軍嚮據該守據該守漾電此項俄軍招鬚匪田毓本之黨戡隊中華裝官兵衣帽辮髮之人亦係官兵衣帽辮髮之人亦行穿戴華衣華帽者等情除電覆北洋外謹此電陳增祺廷杰沁

南洋大臣周 致軍機處請代奏電 正月初一日

電政大臣吳

竊馥前奉十三日電旨著轉飭上海紅十字會總辦多延員紳速撥鉅款前往奉省會同地方官廣施賑濟以全民命等因欽此遵卽轉電上海由海寰等傳知該會華總董道員沈敦

和任錫汾施則敬任鳳苞轉致西總董英員威金生等欽遵籌辦旋復往返電商並經該總董於二十六日中西會議現據稟復前來伏查奉省此次兵災情形綦重先經該總董迭屬分會員於援救出險難民留養資遣外各就地方情形妥籌賑濟並趕辦棉衣二萬餘套分運散放又因藩垣籌濟局留養人數過多而險設法移民就食先於廣甯地方預備房屋糧食電請將軍增祺核定分起運送該款由滬陸續運交並匯二萬金至藩助籌濟之需增祺亦撥款在遼復海蓋等處平糶正籌辦間欽奉前因擬就現收會款先提十萬金並經馥飭由司局各庫無論何款暫行設法挪墊十萬金由該總董等公同出具借領隨後籌捐歸補先有此二十萬金爲導旨廣賑之發端隨後再寬籌接濟災區既廣且險廣甯亦尙近戰地亟應設法推廣各分會員紳人手不敷遵已招致歷辦義賑熟手由滬陸續前往公舉直隸候補知府史善貽與西員魏伯詩德共主其事或放糧或給錢應因地制宜分別妥辦仍報該總董等查核總期皇仁下逮實惠及民中西相輔而行於中立冀無阻礙所有遵旨轉飭會資籌辦賑濟大概辦法及由江南司局各庫暫行挪墊各緣由謹先電陳藉慰宸廑伏乞代奏呂海寰周馥盛宣懷吳重熹同肅 謹 奏

(六九二一)收路透電

正月初一日
西二月三號

據官場消息云俄國皇太后皇帝與后深爲憐憫所有正月二十二號被殺及受傷各家特發五千金鎊由總督得里坡夫氏幫助無力之人據爹里特烈格拉夫報代理人電稱俄皇於禮拜日與耶爾摩洛夫氏大臣會議後親降諭旨飭領袖大臣威提氏將去年十二月二十七號之諭旨所載維新各條再爲傳佈並令其國民協理政事至如何協理之處由威提氏擬定並令彈壓通國亂事所有正月二十二號被難遺存之孤子或受殘疾之人賜給養老之費日後各部大臣會議各種新政所有民事皆歸威提氏總理其任匪輕所有被擄罷市工黨今日全行釋放報館照常出報得里坡夫氏不久派往滿洲云

(六九二二)收路透電

正月初二日
西二月五號

水師提督波特路倭斯基氏所帶之艦隊刻已駛離基比吐爾前往馬達加士噠隨帶德國煤船十八艘駐茂利他埠來特報代理人電稱正月二十二號波羅的艦隊仍在摩西比停泊庫路巴金將軍報稱西二月一號日軍攻擊渾河左岸之亞占探希南地方將俄所添之兵盡行逐出奪回該地云

(六九二三)收路透電

正月初三日
西二月六號

德國輪船公司人員于漢伯爾六司船隻裝載禁物運往海參崴被擄一節心甚不安近日日本屢搶德國船隻之事雖與俄人之攻擊中立國船隻稍異足令人生驚恐之心目下付貨之人明抗日本所定禁物條款之非云

(六九二四)收北洋大臣致外務部電

正月初四日

頃據奉天將軍沁電續稱前准銑電當飭增守確查先於號電具覆茲據該守漾電此項俄軍嚮導前詢據沙嶺會首云似係俄招鬚匪田毓本之黨俄隊中華裝官兵衣帽辮髮之人亦係田黨假扮並亦有前敵俄人自行穿戴華衣華帽云謹轉達世凱肅支

(六九二五)收北洋大臣致軍機處外務部電

正月初四日

據奉探電稱去月廿五至廿八日俄北來步礮隊二千七百餘名北去受傷兵四千四百餘名前敵探稱瀋東南一帶近因無事西南日軍於廿四日復佔沈大堡廿六日在黃沙陀接

戰俄敗退十餘里至馬虎嶺失礮二尊其第二旅團長康特勒閣斯於是役陣亡並傷亡兵士一千餘人廿七日俄兵二千餘往攻沈大堡勝敗未分次日復戰俄敗退廿餘里至小新民屯廿九日仍聞該處一帶砲聲聞作連日接戰俄傷亡約萬餘人日軍傷亡約亦不下七八千人北路探稱俄擬募華工二十餘萬於開春添築滿洲鐵路雙軌以資輸運又吉林破牌嶺產煙煤極旺土著私約俄商開採現俄築小鐵路接至長春車站運載不絕遼西探稱日疑遼陽陳牧爲俄探事於廿三日將該牧看守入署搜查文件云謹轉達世凱肅支

(六九二六)收北洋大臣致軍機處外務部電 正月初五日

據奉探電稱初二日俄北來步隊六百餘名北去受傷兵一百五十餘名前敵探稱連日兩軍在西南馬虎嶺長灘傅家莊和林台等處接仗俄兵傷亡甚多其西南統將每欲乘間襲遼毀日運道奈日軍兵力增厚防守嚴密未能逞志云謹轉達世凱肅歌

(六九二七)收北洋大臣致軍機處外務部電 正月初五日

據奉探電稱去月廿九日俄北去受傷兵一百餘名前敵探稱廿八九日兩軍仍在西南路

一帶接仗云謹轉達世凱肅歌

(六九二八)收江海關道致外務部電 正月初六日

頃日領函約束俄水手辦法未聞切實舉辦如仍延緩本國政府爲自行保衛起見難保不以相當手段相機辦理特此函詢以盡規勸之誼云約束俄水手已奉憲部摘取五條照會俄使並蒙切催飭遵復經職道詰催俄領雖云已嚴禁游逛酗酒然查驗各節仍以無權爲詞似俄使並未轉飭近日俄兵之在租界酗酒滋鬧者仍復時有所聞不早定辦法日人責備必致無詞以對前擬各條如萬難辦到可否仍照滿佐水手辦法仰懇密商日使允將容留在滬俄兵取不干預戰事切結先行回國抑或如何辦理伏求訓示樹勛歌

(六九二九)收北洋大臣致外務部電 正月初七日

接煙台何道魚電稱俄民由旅來烟前後約四千陸續登岸者約三分之一職道加派弁勇晝夜巡護幸尙安靖現除二百餘名在烟候船外餘均已赴滬乞電外部查核云謹轉達世

凱肅虞

(六九三〇)收駐比楊大臣致外務部電 正月初七日

銑電言中立事比外部照復無違言兆璽麻

(六九三一)收盛京將軍奉天府尹致外務部電 正月初八日

頃據署遼陽州陳良杰稟日軍於上年十二月初三初八十二廿一廿二等日先後拏去該州兵弁書役家人募友等不下二十名拷逼奸細口供倡令供認州官係爲俄坐探廿三日派兵五六名至署陽爲保護陰實看管等情查自省至遼中間爲戰軍阻隔所報如此外間傳說不一究因何故詳情尙不得知已札該城守尉查覆但此文能到與否亦難預定除電北洋大臣外惟以州牧致被戰國看管地方無人治理勢必商民皇皇不可終日應如何迅向日使設法磋商以安人心之處敬希卓裁增祺廷杰魚

(六九三二)收盛京將軍奉天府尹致外務部電 正月初九日

初七日接署遼陽州陳良杰上年臘月廿八日稟本日辰刻有日員佐藤至署聲稱須至青

泥窪一行詰以前往何事答稱西將軍在彼有應問公事察看情形非去不可探聽被拏巡長家丁人等均未畏刑妄認自以該日員除逼問俄探外餘罪無他與其不分皂白而生不若一罄衷曲而死隨將署內一切交城守尉德裕暫行兼管是晚與該巡長等乘火車以去等情查該署州前被日員看管已於魚電肅陳茲據前情應請迅向日使設法磋商以安人心不勝切禱增祺廷杰陽

(六九三三)收北洋大臣致軍機處外務部電 正月初九日

據奉探電稱初三四日俄北來馬步隊二千餘名北去受傷兵七百餘名前敵探稱南路俄軍以日軍忽退廿餘里振旅前進日軍乘其未定擊傷俄一千餘人初三日俄馬隊百餘至那是牛祿堡爲日探隊擊退次日添至二百餘人復往該堡日探隊已退至哈拉馬又廿九日西南之戰和林台俄軍退至三家子傅家莊俄軍退至瓜茄台均距瀋六十餘里此次戰亡俄兵遺棄戰場者堆積至數十垛云謹轉達世凱肅齊

(六九三四)收路透電

正月初九日
西二月十二號

某英報駐東京之訪事人云日本現時由英定造戰船四艘並鎗若干枝駐魯意斯口地方之本館訪事人電云波羅的海艦隊現仍泊於訥斯布地方提督魯的威與供煤之德船現有不合之處因該提督甚願德煤船跟隨艦隊而德煤船因懼日軍不肯照辦

(六九三五)收駐俄胡大臣致外務部電

正月初十日

魚電切商外部據稱此事似已在滬商妥且飭各兵弁從速回俄仍電雷使設法措置並催海部云德青

(六九三六)收北洋大臣致外務部電

正月十一日

正月十一日

前接奉天府尹魚電稱此電已達大部查此案前據探報遼陽陳牧被日軍看管曾向日人詰查據覆稱該州署交通俄軍洩日軍情當又詰以交洩須有切實憑據請查明見示現尙未復茲續准軍尹陽電稱接陳牧上年臘月廿八日稟是日有日員佐藤至署謂須往青泥窪一行西將軍在彼有應問公事非去不可已將署內一切交城守尉德裕暫行兼管隨與巡長等乘火車以去等情請迅向日使磋商以安人心云查在戰地之中立各官其管轄之

權仍在中立政府無論違犯何項事案應由中立政府查實懲處不應由戰國逼令擅離治所曠其地方職守擬請大部照會日使電飭日軍官從速釋回並將該牧所犯何事有何確據分別明示以憑核辦除電復軍尹並另向日軍結論外統祈鈞裁世凱肅真

（九六三七）收北洋大臣致軍機處外務部電 正月十一日 日軍官會向日人據奉探電稱初五至初七日俄北來步隊六百餘名北去受傷兵二百五十餘名前敵探稱上月俄軍三路進攻均未得手現南路退回十里河北東路退回姚千戶屯西路退回四方台及長灘北紅陵堡云謹轉達世凱肅真

（六九三八）收盛京將軍奉天府尹致外務部電 正月十一日

頃據東省電報總局提調何牧厚啓面稟正月初八夜十二點鐘有俄官二員帶兵一百餘名忽將該局圍住一面進內搜翻隨將委員周肇祥吳佩孚李小卿及書手工頭等共十八人一併帶赴車站看守究因何故無從查訪等語先此電聞俟得確情再行續電增祺廷杰

青英祥

（六九三九）收駐美梁大臣致外務部電

正月十一日

美與英法等國所訂和衷調理約經議院駁改總統現擬作廢誠恐

（六九四〇）收駐俄胡大臣致外務部電

正月十一日

蒸電悉魚電五條譯成節略切商外部伊稱既已在滬商妥仍當電雷使轉飭領事並告海部等語因留滬俄艦兵弁屢次滋事故又勸非戰鬥員總以不過滬爲宜伊謂曾飭從速回俄奈船隻不便未能迅速面商時係分別提論查檢電碼知昨電各兵弁上脫去過滬兩字致未明暫謹電復德卦

（六九四一）收北洋大臣電政大臣致外務部電

正月十二日

奉天軍尹青電稱正月初八夜十二點鐘有俄官二員帶兵一百餘名忽將奉省電報局圍住一面進內搜翻隨將委員書手工頭等十二人帶赴車站看守云查電局雖近戰地仍爲中立國公所在局人員卽爲中立國辦公之人戰國理應尊重保護乃竟遣兵圍局拘人殊

違公理且妨電政應請大部照會俄使轉飭俄軍官速釋回如有延誤所生損失應責令賠償以伸國權仍祈鈞裁電政大臣世凱重熹肅文

(六九四二) 收盛京將軍奉天府尹致外務部電 正月十二日

初九午後赴車站答拜俄提督流察果甫據云昨獲日探十七人業已認供並起有日本坐探執照詢由何處拏獲彼不能言聞電報局昨因被拏十八人內有小孩一名或係指此而言先此密陳俟有確耗續達增祺廷杰

(六九四三) 收路透電 正月十二日
西二月十四號十五號

俄國波羅的海第三艦隊已奉命整備一切立即開行日本政府近向英國葛拉司勾城定購汽機五十架有俄國巡防艦五艘下碇於德國海面之達薩蘭地方德人諭令駛離俄官已允照辦理矣美國海大臣適與英日及歐洲他邦商訂一公斷條約斟酌損益其中實費苦心乃大總統與議院因籌議此約頗覺意見不合蓋議院必欲在約中增入一款載明未請公斷亦得有干預之權而羅斯福頗非斥之也聞羅斯福已決意停廢此約又聞美人公

論頗以議院之議爲是云俄京傳聞海參崴已被圍攻居民半已他徙俄京內亂情形稍有轉機洛茲地方有工廠多所現已工作如舊矣

(六九四四)收北洋大臣致外務部電 正月十三日

轉盛京增將軍廷尹堂鑒洪奉蒸電悉電局係辦公之所斷不至有日本坐探殊屬任意誣蔑頃查小孩係該局文案吳樹勳之子年甫八歲何能充日諜若俄人誘嚇取供亦斷不足爲憑請瑞用兩帥切實駁正世凱文

(六九四五)收北洋大臣致外務部電 正月十四日

塞電祇悉已電告奉天軍尹敝處亦接日軍電稱謂不日即可放回云世凱肅塞道二六三

(六九四六)收路透電

正月十四日
西二月十六號

日本房捐公斷之問題其各議員昨日在海牙彼此互換判定此事之復書此期不欲進再派議員之策惟政府提及派員辦理再派之事俄第三幫波羅的艦隊刻已駛離里堡

(六九四七)收北洋大臣致外務部電 正月十六日

頃據烟台何道咸電開歲杪據德法領事函稱去秋觀戰二武員現經查明係乘美商開濟洋行雇工于志田舢板出旅無蹤于回掖縣請密緝並交船夥張紀伯請先押等因職道電飭掖縣拿獲于志田卽于志友連日親詢于供二月受雇於開濟行計運牛肉往旅二次三月載二俄人治水雷者往旅一次五月裝麵猪肉被烟關查獲二次六月招夥張紀伯劉得勝李長發于香亭又運牛肉牛奶從威海往旅卸交美商施美門施卽令載二兵官赴烟先付廿元交信一大包到烟台開濟取八十元兵官帶一俄兵船開至老鐵山風雨大作停船下錨兵官逼行用刀砍斷錨纜並開槍恐嚇勉從駛行兵官自看羅鏡查覓水雷指揮東西違則毆打大家情急暗商次日乘其醉臥齊推落海俄人驚起亦被推淹衣服錢物取分無幾回烟卽向開濟交信取資八月又運牛肉一次遇礮逃回冬月歸掖致被緝獲餘三犯現往青島云張供相同均未用刑逸犯已向青島協緝查于張係開濟熟夥屢次潛運戰地人貨又在封禁海面犯事非中立所應問惟該犯已回轄境彼函指緝自當照拏訊供定罪昨傳開濟洋東到堂認犯簽定爲憑德法領准十七聽審覈供再行詳稟先陳大概乞電外部

查核云謹轉達世凱肅銑

(六九四八)收北洋大臣致軍機處外務部電 正月十六日

據奉探電稱初八日俄北來步隊五十餘名北去受傷兵一百二十餘名俄近在鐵藩一帶募華人充兵月給餉銀二十五元馬兵給馬價銀二十元已在瀋陽西關招集五百餘人發給槍械於初九日赴老興京城交張李兩匪首統帶前敵探稱東南日軍忽退至馬郡且俄軍節節進逼十二日聞該處一帶礮聲間作南路紅陵堡亦於十一日午礮擊至晚勝敗未分又西路蔡伯街大黃旗堡俄兵二萬餘人於十一日經那是牛祿哈拉馬向營口大路進發云謹轉達世凱銑

(六九四九)收北洋大臣致外務部電 正月十六日

據盛京電局委員寒電稱俄拘去吳姓小孩昨早遣兵送回餘仍羈押云謹轉達世凱咸

(六九五〇)收路透電

正月十六日
西二月十九號

大公爵色薩俄斯於乘車向克來木林前行之時遇一馬車內坐二人在後隨行用炸彈向該公爵車中擲來該公爵併所乘之車馬均炸成齏粉該二兇犯均經拿獲其中一犯已受重傷按該公爵作事之不恰輿情已非一日矣俄京罷工之事又復蔓延甚速已有三萬餘人聯合工黨勢甚可畏現在巡捕又復各處搜查已獲黨首二人大公爵首與二腿均已炸落

(六九五二)收盛京將軍等致軍機處外務部電 正月十七日

調停之說原非中國所宜言惟中國不言恐各國亦共懷觀望固知事出自我不免墮入彀中然即不出自我終未必能置身事外與其遲而所失愈大不如速而貽禍猶輕現在機勢似有可乘可否仍希熟酌增祺廷杰景厚儒林鍾靈裴維安刪

(六九五二)收駐俄胡大臣致外務部電 正月十七日

俄主胞叔新卸任莫斯科總督親王舍爾希十四日午後在莫都被刺請傳旨致唁再刑部及新內政部近亦告退內情未靖和議雖紛紛傳說並無實據並聞德寒